

## **Poziv za učešće u jubilarnoj 10. sezoni projekta „U zdravoj školi zdrava djeca“**

Društveno odgovorni projekat "U zdravoj školi zdrava djeca" slavi svoj 10. rođendan!

Tim povodom, pokrovitelj, Vienna osiguranje VIG, organizuje posebnu sezonu ovog projekta pod nazivom „Ovo je prilika tvoja, kreiraj Vienna superheroja!“, a koja donosi ne jednu nego 10 nagrada za 10 jubilarnih godina postojanja!

Svi pojedinci, učenici osnovnih i srednjih škola, te likovne i umjetničke sekcije koje okupljaju djecu i omladinu, imaju jedinstvenu priliku da kreiraju zaštitni lik brenda **Vienna osiguranja VIG** koji će biti korišten u edukativne i promotivne svrhe s ciljem podsticanja osiguranja najvrijednijeg – života, zdravlja i imovine!

Zaštitni lik brenda treba da simbolizuje osnovne vrijednosti Vienna osiguranja VIG kao što su: zaštita, sigurnost, povjerenje, stabilnost, kao i da na jedinstven, kreativan i zabavan način bude podrška u promovisanju zdravog životnog stila te poduzimanja pravovremenih koraka kojima će se obezbijediti sigurnost i finansijska stabilnost u budućnosti.

### **KO MOŽE UČESTVOVATI?**

Pravo učešća imaju sva djeca, učenici osnovnih i srednjih škola iz Bosne i Hercegovine, uzrasta od 18 godina. Broj učesnika nije ograničen.

### **KAKO UČESTVOVATI?**

1. Crtež/ilustraciju zaštitnog lika brenda Vienna superheroja izraditi u PDF ili JPG formatu
2. Pripremiti kratak opis (do 150 riječi) koji uključuje:
  - a) ime/naziv zaštitnog lika brenda
  - b) njegove osobine
  - c) objašnjenje kako zaštitni lik brenda simbolizuje vrijednosti Vienna osiguranja VIG
3. Nominaciju dostaviti putem e-maila: [info@viennaosiguranje.ba](mailto:info@viennaosiguranje.ba)
4. Obavezno priložiti popunjen i ovjeren prijavni obrazac koji se nalazi na [linku](#)

**ROK ZA PRIJAVU I DOSTAVU RADOVA:** 22.05.2026. godine

### **KAKO I KADA ĆEMO ODABRATI POBJEDNIKE?**

Stručni žiri kojeg čine Haris Jusović, ilustrator i digitalni umjetnik prepoznatljivog vizuelnog stila, reditelj i fotograf Arnej Misirić i direktorica Vienna osiguranja VIG Sabina Mujanović, sagledati će sve nominacije pristigle u definisanom roku, te će najkasnije do 29.05.2026. godine proglasiti pobjednike jubilarne desete sezone projekta „U zdravoj školi zdrava djeca“.

Glavni kriteriji za ocjenu radova bit će: vizuelni dojam, originalnost ideje i praktičnost izvedbe (način na koji crtež može dobiti 3D formu).

Imena pobjednika i njihovi radovi bit će objavljeni na web stranici i društvenim mrežama Vienna osiguranja VIG, a nakon čega će biti organizovan i svečani prijem za pobjednike na kojem će biti uručene nagrade.

## **NAGRADNI FOND**

Ukupni nagradni fond desete sezone projekta „U zdravoj školi zdrava djeca“ iznosi **12.000 KM**, a raspoređuje se na 10 nagrada i to kako slijed:

**1 x glavna nagrada u iznosu od 3.000 KM**

**9 x jubilara nagrada u iznosu od 1.000 KM**

## **CILJ PROJEKTA**

Desetom sezonom društveno odgovornog projekta „U zdravoj školi zdrava djeca“ Vienna osiguranje VIG podstiče kreativnost, maštu i umjetničko izražavanje djece i mladih iz osnovnih i srednjih škola u Bosni i Hercegovini kroz osmišljavanje, kreiranje i likovno predstavljanje zaštitnog lika brenda Vienna osiguranje VIG. Na taj način, mladi se podstiču na razmišljanje o temeljnim ljudskim vrijednostima, životu, zdravlju, prevenciji, zdravom stilu života, kao i zaštiti tih vrijednosti od rizika današnjice.

Time Vienna osiguranje VIG nastavlja pružati aktivan doprinos DANAS za bolje, sretnije, zdravije i sigurnije SUTRA djece, ali i cijele društvene zajednice.

Stoga, ne propustite jedinstvenu priliku da iskažete svoj talenat, budete kreatori zaštitnog lika brenda jednog od vodećih društava za osiguranje života u BiH te osvojite vrijedne nagrade. 🏆 🌟

## **KORIŠĆENJE LIČNIH PODATAKA**

Učešćem u projektu „U zdravoj školi zdrava djeca“, učesnici potvrđuju prihvatanje pravila i uslova, te daju saglasnost Vienna osiguranju VIG kao organizatoru (u daljem tekstu ovog odjeljka: Organizator) da prikuplja i obrađuje lične podatke isključivo u svrhu provođenja projekta „U zdravoj školi zdrava djeca“ i na način kako je to ovdje opisano.

- Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u projektu i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa podacima.

- Učesnici prihvatanjem ovih pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (npr. odabranoj dostavnoj službi isključivo u svrhu dostave osvojene nagrade, u računovodstvene svrhe radi eventualnog plaćanja poreza na dohodak i sl), isključivo u svrhu provođenja ovog projekta.

- Svojim učešćem u projektu učesnici su saglasni da, ako postanu dobitnikom nagrade, njihove lične podatke (ime, prezime, fotografiju) organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici projekta svojim

učešćem pristaju na prikupljanje, upotrebu i objavu njihovih ličnih podataka u u promotivne svrhe povezane s projektom.

- Organizator će lične podatke učesnika čuvati onoliko vremena koliko je to potrebno za potpunu realizaciju ovog projekta.

-U slučaju da je učesnik maloljetno lice, sve izjave, saglasnosti i prihvatanje pravila iz ovog Poziva daje roditelj ili zakonski staratelj u ime i za račun učesnika.

- Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvaća da takvo povlačenje saglasnosti uzrokuje nemogućnost daljnjeg učešća u projektu.

## **AUTORSKA PRAVA**

Učešćem u projektu i dostavljanjem rada učesnici (odnosno roditelj/staratelj za maloljetne učesnike) daju Vienna osiguranju VIG neisključivo, teritorijalno i vremenski neograničeno pravo korištenja dostavljenog crteža/ilustracija (dalje u ovoj tački: Autorsko djelo) koji nastane u okviru ovog projekta.

Navedeno pravo uključuje ovlaštenja Vienna osiguranju VIG da koristi, izmijeni, uredi ili izvrši druge preinake, uključujući izradu izvedenih djela, kao i pravo na reprodukciju, distribuciju, internu dostupnost, saopštavanje javnosti, prenos i prosljeđivanje Autorskog djela u izvornom ili izmijenjenom obliku na bilo kojem mediju u digitalnom ili analognom obliku, u promotivne i edukativne svrhe uz poštivanje prava ličnosti i bez naknade.

Prilikom objave radova učesnika, organizator će uz Autorska djela učesnika naznačiti autore kao nositelje moralnih autorskih prava, gdje je to razumno moguće.